

Դարձեալ Ամդեցիի Օրագրութեան (Երուսաղէմի մէջ գրուած) կը քաղենք Տէր Կոմիտասի վերաբերեալ կտորները: 1701 Հոկտ. 5 Կիր. «Պատարագին Կովիսասն ծանուցում» (թղ. 259ա): — Դեկտ. 25. «Յետ սեղանին արեղայք կոխու. Վանեցին եւ Կովիսա զմիմեանս ծեծ, եւ ես զՎանեցին եւ զՊօղոս արեղան ծեծեցի» (թղ. 261բ): — 1702 Փետր. 1, Կիր. «Ժամարար Տէր Կովիսասն» (թղ. 262բ): — Մարտի սկիզբները Ամդեցի կը հիւանդանայ և նոյն ամսուան 12ին կը գրէ. «Գ օր եղեւ Կովիսասն Նարեկ կու կարգայ ի վերայ իմ» (թղ. 263բ):

Այստեղ կ'աւարտին Ամդեցիի Օրագրութեան Տէր Կոմիտասի վերաբերեալ յուշագրութիւնները: Անիկա

ղէմ դառնալուն առիթով իրեն կ'ընկերացնէ Տէր Կոմիտասը՝ իր սիրելին ու մտերիմը, որ անշուշտ իբրև բարեպաշտ քահանայ մը կը ցանկար կենդանի աչքով տեսնել Երուսաղէմը ու երկրպագել Տնօրինական Սրբաւայրերուն: Հալածանքի որևէ պարագայ զոյութիւն չունի այստեղ. եթէ ունենար՝ Ամդեցի անպատճառ այդ մասին յիշատակութիւն մը կը ձգէր իր Օրագրութեան մէջ, մանաւանդ ինք ևս, որ կաթողիկոսութիւն կը կարծուէր, առարկայ ըլլալու էր հալածանքի, մինչ ընդհակառակը՝ Պոլսեցիք, որոնք աշխատած էին իր պատրիարքական հրովարտակը նորոգել, պատիւով ու մեծարանքով յուղի կը դնեն զինք:

Ի զէպ յիշենք՝ թէ Ամդեցի ևս ժամանակակից եկեղեցականներէ ոմանց նման (Մելքիսեղեկ, Եղիազար, Նահապետ կաթողիկոսներ և այլք) սիրալիր յարաբերութիւններ կը մըշակէր կաթողիկ կղերին և նոյնիսկ պապական աթոռին հետ, առանց սակայն Հայ առաքելական Ս. Եկեղեցւոյ զաւանութենէն ու ձէսերէն շեղելու, ու ատոր համար ետքէն իբրև կաթողիկոսութիւն ամբաստանուած էր Կ. Պոլսոյ պատրիարք Աւետիք Եւզոկիացիէն ու վար առնուած էր աթոռէն: Կը գրէ Ամդեցի Երուսաղէմ իր Օրագրութեան մէջ. 1703 Փետր. 23. «Աւետիք վարդապետն մեզ գիր խրատական եւ սպառնական եւ ողորական՝ թէ մեք ֆռանկ եմք դարձեր, զոր անիծեալ լիցի ամենայն հայ որ թողու զլուսաւորչի օրէնքն եւ ֆռանկ դառ-